

Insik Sengmingh Ancienz Daj Gou Guh Hwnj

Va loenq le, ndaej caiq hai, nywj reuq le ndaej caiq did. Hoeng sengmingh vut le, lij ndaej lix dauq dem lwi? Sengmingh mboujmiz caijbaiz, gyoengqraez yaek rox insik sengmingh. Ancienz, dwg aen vwndiz gyoengqvunz gig yawjnaek ndeu. Youq hagdangz, lauxsae ciengzciengz gangj “ancienz daih’it”, lauxsae gangj ceiq lai couh dwg ancienz vwndiz.

Hoeng haujlai vunz dauq nyinhnaez lauxsae yousim lai lo, yienghneix gyoengqde couh mbouj yawjnaek ancienz vwndiz, doeklaeng couh deng oksaeh lo. Doiq gij ancienz yienhsiengq neix, hagdangz raeuz guh le haujlai gyauyuz, iugouz gak ban moix couh hai banhoih seiz gangj ancienz, sawj doengzhag yawjnaek ancienz, mienx oksaeh. Youq mbat ancienz gyauyuz hozdung neix gou gamjsouh gig laeg.

It. Gyauhdungh ancienz

Gaengawq mizgven baudauj, cienz seiqgyaiq moix 6 miux cung couh miz boux vunz ndeu aenvih cehho dai bae, guek raeuz youq cienz seiqgyaiq fatseng cehho ceiq youqgaen, moix ngoenz mbouj rox miz geijlai vunz vut mingh youq laj loekci, sawj aen gya siksang. Miz mbangj vunz vihliux fuengbienh bonifaenh mbouj dawz ancienz haeurwz: Hagseng naengh danci bingzbaiz byaij, dap naengh gij ci mbouj miz baiz miz cwngh, cung daenghoengz, doq naengh danci doq gangliengj……Doeklaeng oksaeh lo. Yienghneix gyoengqraez aeu cunhsouj gyauhdungh gveihcwz, guh bouxvunz vwnzmingz ndeu.

Ngeih. Youzraemx ancienz

Youzraemx dwg cungj yindung doiq gengangh mizik ndeu, hoeng mizmbangj vunz youq ndaw raemx guh’angq, duenghrag, yienghneix couh yungzheih deng mued dai. Geij bi neix daeuj, miz mbouj noix hagseng gag bae youzraemx, ok yungyiemy le, gyoengq doengzhag bae gouq, doeklaeng cungj ngaiz mued dai lo. Ndigah youzraemx yaek aeu miz bohmei daiqlingx, bae gizdieg aencienz cij ndaej youz. Danghnaez fatyienh miz vunz doek raemx, mbouj ndaej vueng, mbouj ndaej luenh roengz raemx bae gouq vunz, wnggai hawj

—Ancienz Gyauyuz Sinhduwz Dijvei

珍惜生命 安全从我做起

——安全教育心得体会

武鸣县太平镇庆乐小学六年级 危泓璟

vunzhuong daeuj gouq. Caiqlix mbouj ndaej ngamq guh yindung haenq le couh youzraemx, mienx ndaej ganjmau, cougaen.

Sam. Gijwn ancienz

Miz sinhvwz baudauj naez gwnz haw miz canghdoz canghbuenq vihliux canhcienz mbouj goq gyoengqvunz ndangdaej gengangh, gai nohnou dai gai huqrwix. Ndigah gyoengqraez cawz liux yaek caz gyoengq vunz neix gij fazliz cwzyin, caiqlix yaek gag gangj veiswng, mbouj cawx noh moudai, mbouj gwn gij doxgaiq caep, seng, mbouj youq gij dan youzbyaij cawx doxgaiq gwn, mbouj cawx gij canjbinj mbouj sij miz swngheanj seizgan, swngheanj gunghcangj caeuq swngheanj hozgwz—cwngh haenx.

Seiq. Siufuengz ancienz

Feizcoemh dwg cungj cainanh gig dwglau ndeu, de mboujdanh duet bae sengmingh gyoengqraez, vanzlij sawj gingheci sonjsaet naeklai.

Ndigah gyoengqraez aeu haeujsim siufuengz ancienz. Gwnz ndang mbouj ndaej daiq chefeiz, mbouj ndaej youq henz gij doxgaiq yungzheiz dawzfeiz, bauca haenx diemjfeiz, mbouj aeu feiz daeuj guh’angq. Danghnaez deng feizcoemh lo, mbouj ndaej vueng, wnggai yungzheiz dimz goemq ndaeng caeuq bak, vaiqdi deuzsanq, mbouj ndaej dam gij ngaenz caeuq doxgaiq dijbauij ndaw ranz. Danghnaez feiz mbouj haenq, raeuz ndaej yungzheiz mezhojgi daeuj ndaepfeiz. Caiq le, gyoengqraez yaek hag rox fuengfap baenzlawz deuz feizcoemh, yienghneix cijndaej vih baujhoh sengmingh dued ndaej seizgan.

Haj. Fuengz duzbinj



Vayinghsuz gyaunde, hoeng de dwg gij yienzliuh cau duzbinj. Guek raeuz gyoengq vunz mbouj siujsim gwn duzbinj haenx, dingzlai dwg gyoengq bouxnomj mbouj mizsim fuengz duzbinj haenx. Bouxvunz gwn duzbinj le couh bienq ndaej moengdoengj, ukgyaeuj mbouj dingq cijveih. Danghnaez ndaw ranz miz vunz gwn duzbinj cienz gya couh deng sikdinz sanqdan lo. Yienghneix duzbinj mboujdanh doeghaih bouxvunz, vanzlij hawj sevei daiq daeuj mbouj andingh. Duzbinj yinx daeuj haujlai hozdung famhcoih, nyauxlueh sevei ci’anh. Gou vih gyoengq vunz gwn duzbinj haenx gamjdaengz sim’in, hix caengz gyoengq bueng duzbinj, cau duzbinj haenx. Gyoengqraez cungh—yozswng, aeu cunhsouj fazliz caeuq cidu hagdangz, danghnaez fatyienh miz vunz gwn duzbinj, bueng duzbinj aeu gibseiz bauq hawj bohmei, lauxsae roxnaez gungh’anh gihgvanh.

Gyoengqraez aeu seizseiz dawz haeujsim. Sengmingh geijlai gyaunde, dijbauij, gyoengqraez cingfwngz hwnjdaej hawj sengmingh engq gyaunde! (指导老师:林锦凤 陆全耀)

Duzrwi

蜜蜂

贵港市覃塘区蒙公乡
高占小学三年级 陆颖怡



Miz bang doenghduz iq ndeu, moix ngoenz cungj guhhong mbouj dingz, daihgya cungj haenh gyoengqde dwg bouxgaenx, gyoengqde couh dwg duzrwi iq dwggayez.

Duzrwi iq aen gyauej luenzlulu, lwgda ndaemndetndet, cienqloekloek,

aen bak diemzsisi, ndang reuxredred, din fwngz saeq youh raez, ndaw diuzrieng cang miz fag cim iqet. Mwnghz geij yawj fag cim neix iq, de dwg fag cim miz doeg, danghnaez duzrwi iq huj le, camz mwnghz baez ndeu, mwnghz couh in ndaej hemqyoyo lo!

Baez daengz seiz mbwn raeuj va hai, mwnghz couh ciengzciengz yawjraen haujlai duzrwi iq mbin bae mbin dauq, yaephe mbin daengz duj va neix, yaep he mbin daengz duj va haenx. Duzrwi iq gaenx cungj dwg angqvauvau dwk hemq “vwngvwng”, daengx ngoenz diuq bae foux dauq, mbouj yousim saek di. Daj seizcin itcig muengz daengz seizcou, duzrwi iq cupsou vafaen cungj mbouj dingz roengzdaej gvaq. Seizdoeng daengz lo, rumzbaek cihuhu, raeuz okdou bae yawj, mbouj raen ingingaeuz saek duz rwi iq lo. O, yenzlaiz duzrwi iq hix rox gvaq doeng ha!

Diengzrwi diemzsisi, rangfwdfwd, mboujdanh ndeigwn, lij ndaej guh yw dem.

Duzrwi iq, mwnghz sinsin hojhoj bae aeu vafaen, cungj dwg vih bouxvunz cau diengz ha, mwnghz caen hungmbwk ha!

(指导老师:覃珍团)

Ngoenz Singhiz Roek Vaiqvued

快乐的星期六

武鸣县太平镇庆乐小学二年级 何琪

Singhiz roek, daengngoengz ronghsagsag, gou caeuq daxmeh angqvauvau dwk bae yienhsingz guhcaemz.

Daeujdaengz yienhsingz, raeuz couh bae gvangjczangz, gwnz gvangjczangz caen nauhyied ha, miz vunz ciengqgo diuqfoux, miz vunz cuengq yiuhrumz……Daxmeh cawx bingz raemxbop ndeu hawj gou, gou menhmenh boq hwnjdaej. Cijraen aen bop hung bop iq couh doxciengj caenx okdaej, gij saek aen bop vava loegloeg, ndeiawj raicaix! Gyoengqde mizmbangj lumj naed caw ndongqmyubmyab, mizmbangj lumj makit, aen dem aen nem baenz roix, aen bop mbin ha mbin, mizmbangj mbin daengz gwnzdieg, mizmbangj mbin hamj nyefaex, mizmbangj mbin coh daxmeh, daxmeh riu lo, gou hix riu lo……

Gyoengqdou ngoenz—neix guh’angq caen vaiqvued ha.

(指导老师:黄华明)

